



15. august 2018

Inatsisartut Suleriaasianni § 37 imm. 1 naapertorlugu Naalakkersuisunut apeqquut imaattoq matumuuna saqqummiuppara:

Naalakkersuisunut apeqqutit:

- 1. Katsorsaariaatsimi Allorffimmi nappaat "imerajuttuuneq" qanoq naleqartinneqartigisarpa?**
- 2. Katsorsaariaatsit suut Allorffimmi atorreqarpat aamma katsorsartittut sunniuteqarfigisinnaanerlugu katsorsaariaatsit suut atorreqassanersut?**
- 3. Allorffimmi tunngaviusumik katsorsaannermi siunertaanerluni imerunnaavittoqarnissaa imaluunniit sulissutigineqartarnerluni "Sualunngitsumik imertalernissap" ilikkarniarnissaa?**
- 4. Allorffimmi katsorsaareernerup kingorna suut katsorsaannermi malitsigittinneqartarpat?**
- 5. Eqimattanut Allorffimmi katsorsartinnissaminnut upperinnngitsunut imaluunniit piunassuseqanngitsunut katsorsaariaat suut neqeroorutigineqartarpat?**
- 6. Allorffik kommunini tamani katsorsaaveqalissaaq. Tamatumap annertusinissaa pilersaarutaava illoqarfinni tamani katsorsaaveqalersillugu imaluunniit katsorsaavinnik pilersitsiortorani eqqarsaatigineqarluni katsorsaasartut namminersortut illoqarfinnut/nunaqarfinnut aggerlutik katsorsaajartortartut atorreqaannarnissaat?**
- 7. Naalakkersuisut qinnuigineqarput katsorsaanikkut inuiaqatigiinnilu aningaasarsiornikkut iluaqutissat tunngavilersueqqullugit illoqarfinni tamani katsorsaavinnik pilersitsisoqassagalarpat imaluunniit pitsaanerussannginnersoq suliassat atornerluisunik katsorsaasartunut namminersortunut suliariumannittussarsiuunneqartuuppata?**
- 8. Atornerluisunik katsorsaannermut akisussaannerup kommuninut tunniunneqarnissaa Naalakkersuisut eqqarsaatiginerlugu, sullitap taassumalu sullissisuata ataatsimoorlutik aalajangersinnaanngorlugu sullitap qanoq sunalu katsorsaariaaseq atorlugu katsorsarneqassanersaq?**
- 9. Atornerluisunik katsorsaannermut tunngatillugu Naalakkersuisut allanik soqutiginarunik nalunaarutissaqarnerlutik?**

(Inatsisartunut ilaasortaq Malene Vahl Rasmussen, Demokraatit)

Tunngavilersuut

Imerajuttuuneq 1956-mi nappaatitut akuerineqarpoq American Medical Associationimit. Nappaat katsorsarneqarsinnaanngilaq, sakkortusiartortarpoq aamma pingaarnertut nappaataavoq. Tassa imaappoq sunit tamanit salliuvoq katsorsarneqartussaallunilu allat nappaatit katsorsarneqarsinnaagallartartut kinguneranik takkussuutilinnginnerini .



Imerajuttuuneq aaqqinneqarsinnaangilaq oqaatigineqareersutut katsorsarneqarsinnaanngimmat, kisianni nappaat ingasappallaartinnagu unitsinneqarsinnaavoq. Tamanna taamaallaat pisinnaavoq iminngilluinnarnikkut. Nappaat timimikkut, tarnikkut inuunikkullu nappaataavoq, tassa imaappoq napparsimasoq sutigut tamatigut eqqorneqartarpoq taassumalu qanigisai aamma eqqorneqartarlutik.

Allorfiup katsorsaaviini katsorsaaneq pisarpoq kaammattuilluni oqaloqatigiinnikkut (kaammattuilluni apersuinikkut) aamma eqqarsartaatsikkut pissusilersuutinik allangortitsiniarnikkut, Katsorsaavimmili katsorsaaneq ingerlanneqartarpoq periutsit Minnesota-aamma CENAPS atorlugit.

Uanga nammineq isumaga naapertorlugu katsorsaaneq pingaartorujussuuvoq, imerajuttoq imerunnaarnikoq ilaqtaminut iluaqutaalluarmat, ikinngutiminut aamma naliginnaasumik inuiaqatigiinnut, katsorsartissimasoq piginnaanini tunngavigalugit tunniussaqaarsinnaalermat. Taamaattumik pingaartorujussuuvoq uangut politikeritut isumagissagatsigu, atonerluisunik katsorsaanerup sapinngisamik pitsaanerpaamiitinnissaa, imerunnaartartut sapinngisamik amerlanerpaatinniarlugit.

Qilanaarpunga apeqqutima piffissarititaasut ullut sulliviit qulit iluanni akineqarsinnaannut.